

書名 西湖遊覽志二十四卷 嘉靖二十六年序刊萬曆十二年序江陰范鳴謙修本  
撰者 明 田汝成 撰  
卷 卷二十二  
內容分類 史·地理·名勝·浙江  
索書號 倉石20405  
編號 2037500

# 卷二十二



## 西湖遊覽志第一卷

### 西湖總叙

錢唐田 汝成 輯撰

西湖故明聖湖也周繞三十里三面環山谿谷縷注下有淵泉百道瀦而為湖漢時金牛見湖中人言明聖湖遂稱明聖湖以其介于錢唐也又稱錢唐湖以稱于下湖也又稱上湖以其負郭而西也故稱西湖諸山之脉皆宗天目天目西去府治里高三千九百丈周廣五百五十里蜿蜒拔峭舒岡布麓若翔若舞萃于錢唐而嶺

彩色首頁1

[東洋文化研究所漢籍目錄 編號: 2037500](#)

[東洋文化研究所漢籍目錄所藏漢籍善本文影像資料庫 索書號: 倉石20405](#)

[漢籍善本文影像資料庫 文庫 西湖遊覽志二十四卷 嘉靖二十六年序刊萬曆十二年序江](#)

[陰范鳴謙修本](#)

版權所有: 東京大學 東洋文化研究所

[使用上的注意事項](#)

惟演捨宅建建炎間燬紹興間重建有南漪迎  
薰二堂元末燬尋以築城徙寺今所未樂間寺  
僧守公被召修大典智淳修戒律別原修藏典  
約宗亦以高行被召四代入覲亦禪門之榮遇  
也

妙心寺在湧金門內舊在西湖行春橋南元至正  
間徙今所今改使館

西湖遊覽志第二十一卷終

西湖遊覽志第二十二卷

錢唐田 汝成 輯撰

北山分脉城外勝蹟

衢巷河橋

出武林門而北爲崇福橋霍山坊餘杭橋巷新橋巷  
半道紅清湖三關周公泉枯樹灣夾城巷左家橋米  
市巷漁塘巷碧沼草營巷歸錦橋江漲橋通市橋北  
新橋

崇福橋在吳山驛前

霍山坊過新河橋路入西山橋下爲新河坊口乃

張士誠所開者舊有廣惠廟宋康定元年建以  
祀廣德王張渤者遞代褒封二月八日傾城士  
女集焉周公謹云余世祀祠山張王動止必禱  
應如著龜先子需澄江次爲有力者攘去先妣  
時留雪禱于南關之祠山有水邊消息的非遙  
之語先君霍山所祈亦得此籤越日臨江之命  
下矣戊辰年鑄子甫五歲病骨蒸勢殆甚凡藥  
皆弗効禱籤得蠱之上九云蠱有三頭紛紛擾  
擾如虫在血執一則了退謀之醫試投逐蟲之  
劑凡去蛻蛔三其色如丹即日良愈甲寅春往

桐川炷香得籤云不堪疾病及東床是歲外舅  
捐館壬午五月二十八日杭城金波橋馮氏火  
作次日勢亦張雖相去幾十里而人情遑遑不  
自安時楊大方潘夢得皆同居相慰巫言神語  
皆吉因卜去就于神得五十六籤云遭人彈劾  
失官資火欲相焚盜欲窺于是挈家湖濱是夕  
四鼓成焦土

餘杭橋宋端平二年建東通猪圈壩其時有北郭  
稅務

新橋巷東通陸家場


半道紅相傳舊時夾路栽桃花  
俗訛爲半塘洪

清湖上中下三閘洩城中諸河之水自東而北轉  
達東新橋德勝壩爲下塘河

周公泉又名北牖泉在下閘基


枯樹灣東通德勝橋舊名堰橋宋韓世忠掩擊叛  
賊苗劉于此故郡人稱爲德勝橋

夾城巷東通遞運所四達之衢市廛殷阜肩摩踵  
接第夾城名義不知何所取也故老皆言元有  
總兵楊完者與張士誠築壘相拒此其遺基然



當錢氏築城時云自秦望山由夾城東亘江干  
洎錢唐湖凡七十里則夾城之名唐末五代已  
有之似非起于楊完者也豈以其近傍羅城若  
杜詩所稱花萼夾城通御氣之談歟 國初有  
爲夾城八景卷者名流題詠甚多今掇其著者  
一曰夾城夜月王洪卜筮子詞孤月泛江秋露  
下高城靜期着佳人夜不來坐轉梧桐影吹徹  
紫鸞笙寶篆烟消鼎桂子飄香下廣寒銀漢雙  
星耿聶大年臨江僊詞萬里碧霄雲散盡長天  
孤月流輝城陰寥濶橈聲稀試登高處望露濕

五銖衣不見遼東華表鶴人民昔是今非驚鳥  
三匝正南飛銀河風露冷騎得綵鸞歸○二曰  
陡門春漲王洪詞驚雪噴高崖雷響青天曉剛  
道吳胥駕海來勢壓滄溟小兩岼走漁舟潑亂  
飛春鳥誰信神魚去不留五色祥雲繞聶大年  
詞西北關城如鐵甕夜來春漲崩奔驚濤拍岸  
撼崑崙桃花三汲浪何處覓僊源彷彿鷓鴣夷乘  
白馬潮頭日落雲昏瀆祇州后亦銷魂琴高騎  
赤鯉隨水到龍門○三曰平道春紅王洪詞宿  
雨漲春流曉日紅千樹幾度尋芳載酒來自與



春風遇弱水與旆源有路從教去不見西湖柳  
萬絲滿地飛風絮聶大年詞記得武林門外路  
雨餘芳草蒙茸杏花深巷酒旗風紫驪嘶過處  
隨意數殘紅有約玉人同載酒夕陽歸路西東  
舞衫歌扇繡簾櫳管遊成一夢試問賣花翁○  
四曰西山晚翠王洪詞斜日照疎簾雨歇青山  
暮白鳥鳴邊一半開杏靄和烟度樓上見平湖  
影隔青林霧吹斷鸞簫興未闌月照芙蓉露聶  
大年詞一抹斜陽低遠樹分明翠斂西山蒼蒼  
松檜鎖禪關疎鐘殘磬裏倦鳥亦知還谷口樵

蘇籀路晚六橋流水水潺潺行人指點有無間  
天風吹散盡露出豹文斑○五曰花園啼鶯聶  
大年詞芳圃萬花圍繞遍軟紅晴點香泥金衣  
公子柳邊迷爲憐春色好終日往來啼記得早  
朝花底散金河草色萋萋數聲只在御橋西東  
風回首處香霧滿長堤○六曰臯亭積雪聶大  
年詞昨日孤峰如潑翠今朝王立噴岫瑤林琪  
樹間琅玕蓬萊塵世隔弱水竟漫漫王字岩堯  
千仞表羣僊飛珮騫鸞不知何處倚闌干洞簫  
吹一曲鶴斃不勝寒○七曰江橋暮雨聶大年

詞一葉漁舟吞暮景夜來江漲平橋葦葭兩岫  
響蕭蕭水村烟郭外隱隱見歸樵鴻鴈欲歸愁  
翅濕誰憐萬里雲霄空濛山色望中遙鐘聲何  
處寺白鳥沒林腰○八曰白蕩烟村聶大年詞  
北郭秋風禾黍熟牛羊晚下平田一村桑柘起  
寒烟田翁邀社飲擊鼓更燒錢處處鷄豚泥飲  
罷瓦盆濁酒如泉往來東陌與西阡誰言淳朴  
俗自有一山川

左家橋北宋有春融樓謂之北外庫  
米市巷宋時舊名也其東爲寶慶橋舊名黑橋洪

武初建

漁塘巷自霍山坊而下有上下陡門洩清湖河水由漁塘巷入西為范婆橋橋下為清水潭潭西為望佛橋西南通水磨頭望佛橋西其土神曰左相公廟廟後為福昌巷巷西行為白蕩夾城八景所謂白蕩烟村者是也又西為古蕩碧沼在湖墅西左八郎祠前池廣三畝水極清冽俗稱清水潭

一歸錦橋俗稱賣灸橋自此而上至左家橋夾城巷皆稱湖墅俗訛為湖州市

江漲橋在歸錦橋北元末開河構木而渡宣德間僧覺澈改建石橋嘉靖間圯今復建

通市橋在江漲橋南宣德間僧覺澈建

北新橋在香積寺北宋紹興間建名中興永安橋元末圯洪武初重建

出錢唐門而西為東西馬塍羊角埂

東西馬塍在溜水橋北以河分界並河而東抵北關外為東馬塍河之西上泥橋下泥橋至西隱橋為西馬塍錢王時畜馬於此至三萬餘匹號曰海馬故以名塍或曰馬姓二人東西居共為

園田之勝非也土細敏樹杭城四時花卉于此  
出焉今名南花園北去十餘里爲板橋今名北  
花園元羽士張伯雨結廬焉滕陳旅記之其略  
曰錢唐邑屋叢轉數十里至爲重樓以居委巷  
若闕市人氣滄鬱爲滄霧城西山水清曠而笙  
歌粉黛上下無空日夫杭東南與區芬華之所  
族而幽靜者之所處也成比有村曰馬滕居民  
多業藝花土沃俗質聚近而墟遠至元間句曲  
外史來棲焉爲閣四楹桂卉叢植旁有長松數  
十章落落如高人湖上之山騰伏閣外蓋得冲

覽之會者外史舊有茵閣在金茵山吳興趙文  
敏公篆榜極古茲復以真蹟署新閣意扁舟往  
來所志在茵山也○葉水心同趙振文遊馬滕  
詩馬滕東西花十里錦雲繡霧參差起長安大  
車喧廣陌問以馬滕云未識茶糜縛籬金沙墻  
薜荔樓閣山茶房高花何啻千金直着價不到  
宜深藏青鞋翩翩鳥鶴袖嚴房引前金蔕後隨  
緣摘葢煎冬酥小分移床獻春酒陳通苗傳昔  
弄兵此地寂寞狐狸行聖人有道賁草木我輩  
栽花樂太平知君已在茗水住盡日櫂聲搖上



渚無際滄波夢自分有情綠浦鷗偏聚追逐風  
光天漫許拋擲身世人應怒君不見南宮載寶  
回何如趙子穿花去○趙振文和詩云昔年家  
住長安里春風盡日風塵起紛紛車馬過綺陌  
買花人多少人識王侯第宅連苑牆粲若瓊蕊  
敷丹房花窠近取馬塍本曲闌高檻迷深藏主  
懽對客小舉袖擊鼓吹簫滿前後珍珠一斛聘  
國姝琥珀千盃酌天酒幾年農器不鑄兵雨畊  
雲穫歌且行種花土腴無水旱園稅十倍田租  
平竿舟來近菰蒲住演漾迴溪通在渚霜晴沙

淺橘林明日暮水渾魚網聚東門故侯應自許  
灞陵醉尉寧須怒何須學稼隨老農荷鋤驅犢  
田中去○張仇雨自詠馬塍新居詩云浮家泛  
宅意何如王室金堂計未踈歸錦橋邊停舫子  
散花灘上作樓居澹然到處自鑿井玄晏閉門  
方著書但得草堂貴便足人間何地不樵漁○  
張仲舉題張外史馬塍新居詩云窈窕丹房古  
澗阿長松脩竹繞層坡桃園隱者時相遇茆洞  
僊人夜或過沆瀣盃寒供曉食青冥笙響答空  
歌白雲浮出地痕滿知是龍泓宿雨多○薩天

錫宿張外史馬勝新居詩五竹樹忽聞乾鵲噪  
明朝歸去候新晴小樓無處看秋意暗雨空山  
如海聲葉落聽虛聞鶴步峰回路轉斷人行誰  
知昨夜玄洲客剪燭談詩到二更

羊角埂自溜水橋北柴場至乳臺渡口延袤十餘  
里介東西馬勝之間其形彎曲如羊角然

西湖遊覽志第二十二卷終

西湖遊覽志第二十二卷

錢唐田 汝成 輯撰

北山分脉城外勝蹟

官署

南京戶部分司江漲稅課司吳山驛遞運所德勝壩  
猪圈壩

南京戶部分司在江漲橋北掌權商稅 國初差  
御史監生開辦課程或戶部官監收船鈔未有  
定置景泰元年差戶部主事于蘇杭二府專掌  
之始建鈔關於此六年罷主事歲委府官收鈔